

**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
DOM NARODA  
Broj: 04-011-13/98  
Sarajevo, 03.02.1998. godine**

**ZAPISNIK**

**6. sjednice Doma naroda Parlamentarne skupštine Bosne i Hercegovine,  
održane 3. februara 1998. godine u Lukavici**

Sjednica je počela sa radom u 14 sati.

Sjednicom je predsjedavao Avdo Čampara, predsjedavajući Doma naroda Parlamentarne skupštine Bosne i Hercegovine.

Nakon što je utvrdio da postoji kvorum za punovažno odlučivanje, predsjedavajući je predložio slijedeći

**DNEVNI RED:**

1. Prijedlog zakona o zastavi Bosne i Hercegovine,
2. Prijedlog zakona o Carinskoj tarifi Bosne i Hercegovine,
3. Ratifikacija sporazuma o zajmu između IFADA i Bosne i Hercegovine,
4. Prijedlog zakona o izmjenama i dopunama Zakona o putni ispravama Bosne i Hercegovine,
5. Delegatska pitanja.

Prijedlog dnevnog reda je usvojen jednoglasno.

**AD-1.**

**Prijedlog zakona o zastavi Bosne i Hercegovine**

Predsjedavajući je obavijestio Dom naroda da je Komisija koju je formirao Ured Visokog predstavnika dostavila sa obrazloženjem Prijedlog zakona sa tri alternative. Informirao je delegate da Predstavnički dom Parlamentarne skupštine nije usvojio ni jednu od tri alternative predložene u zakonu.

Predsjedavajući je predložio delegatima da Dom naroda usvoji jednu od varijanti bez obzira na to što Predstavnički dom nije usvojio ni jednu.

U raspravi su učestvovali Mirsad Čeman i Avdo Čampara.

Delegat Mirsad Čeman je podnio slijedeće amandmane i to:

U članu 5. umjesto riječi: "na nivou države Bosne i Hercegovine na slijedeći način" da stoji "na slijedećim objektima i u slijedećim prilikama". U istom članu u tački 1. umjesto riječi "njegova tri ministra" da stoje riječi "ministarstava" a bristai riječi "zajedničkih" tako da tekst iza riječi "drugoj zgradi" u predzadnjem redu glasi: "Institucija Bosne i Hercegovine ili institucije koje upravljaju institucije Bosne i Hercegovine ili koja je odgovorna institucijama Bosne i Hercegovine".

U istom članu iza tačke 2. dodaju se tačke 3. i 4. koje glase:

"3. Za vrijeme državnih praznika Bosne i Hercegovine - na svim javnim objektima organa vlasti od jedinica lokalne samouprave na više, ustanovama, preduzećima itd; ulicama, trgovima i drugim sličnim mjestima.

4. Na svim zgradama vlasti entiteta kao i na bilo kojoj drugoj zgradi institucija entiteta, institucija kojom upravljaju organi ili institucija entiteta ili su odgovorni institucijama entiteta".

Dalje: u stavu 2. člana 5. iza riječi "prethodnog stava" dodaju se riječi "osim tačke 3. i 4. prethodnog stava".

I dalje, sve u okviru amandmana I.

U stavu 3. člana 5. brisati riječi "zvanično isticanje u entitetima".

#### Amandman II

Iza člana 5. dodaje se čl. 5a. i 5b. koji glase:

"Član 5a. zastava Bosne i Hercegovine ne može se upotrebljavati ako je oštećena ili je svojim izgledom nepotrebna za upotrebu. Oštećena ili za upotrebu nepodobna zastava povlači se iz upotrebe.

Član 5b. Ako se zastava Bosne i Hercegovine ističe u Bosni i Hercegovini zajedno sa drugim domaćim ili stranim zastavama, zastava Bosne i Hercegovine stavlja se na počasno mjesto".

O amandmanima delegata Mirsada Ćemana se nije glasalo, jer je predsjedavajući predložio da se o njima ne glasa, nego da se delegati prvo izjasne o alternativama o izgledu zastave.

Predsjedavajući je dao na glasanje sve tri alternative.

Za prvu alternativu glasalo je pet delegata, protiv - ni jedan glas i osam uzdržanih glasova.

Za drugu alternativu glasalo je: za - ni jedan glas, protiv četiri glasa i uzdržanih osam glasova.

Za treću alternativu glasalo je: za - ni jedan glas, protiv - ni jedan glas i uzdržani svi prisutni.

Predsjedavajući je konstatirao da ni jedna od predloženih alternativa izgleda zastave nije usvojena.

#### **AD-2.**

#### **Prijedlog zakona o Carinskoj tarifi Bosne i Hercegovine**

U raspravi su učestvovali: Stipo Vujević, Avdo Ćampara, Mirsad Ćeman, Mariofil Ljubić, Neven Tomić i Mirsad Kurtović.

Nakon rasprave Prijedlog zakona o carinskoj tarifi Bosne i Hercegovine je jednoglasno usvojen.

**AD-3.****Ratifikacija sporazuma o zajmu između IFADA i Bosne i Hercegovine**

U raspravi po ovoj tački dnevnog reda niko od delegata nije učestvovao.  
Odluka o ratifikaciji sporazuma između IFADA i Bosne i Hercegovine je jednoglasno usvojena.

**AD-4.****Prijedlog zakona o izmjenama i dopunama Zakona o putnim ispravama Bosne i Hercegovine**

U raspravi su učestvovali Neven Tomić i Avdo Čampara.  
Nakon rasprave Prijedlog zakona o izmjenama i dopunama Zakona o putnim ispravama Bosne i Hercegovine je jednoglasno usvojen.

**AD-5.****Delegatska pitanja**

Mirsad Ćeman je postavio slijedeća pitanja:

1. Kako teku pregovori o sukcesiji, ko predstavlja državu Bosnu i Hercegovinu u ovom postupku i kako se odnose vlasti oba entiteta u Bosni i Hercegovini prema ovom pitanju.

2. Da li Republika srpska participira u državnom budžetu Bosne i Hercegovine i u kojem iznosu. Ako ne zašto?

3. 1998. godine ponovo su predviđeni opći izbori u Bosni i Hercegovini, na nivou države, za Predsjedništvo i Parlament, pa i na nivou entiteta pa i kantona u Federaciji. Prvi postdejtonski tj. postratni izbori u BiH provedeni su po pravilima koje je utvrdio OSCE, a naredni bi se trebalo provesti prema zakonu koji trebaju donijeti ovlašteni organi.

Pitanje glasi: da li se u okviru nadležnog ministarstva radi na pripremi izbornih zakona i dokle se u tom stiglo.

4. Prema nekim sadržajima udžbenika koji se koriste u oba entiteta, kao i prema onome što se predaje u školama, dovodi se u pitanje suverenitet i integritet države Bosne i Hercegovine.

Pitanje glasi:

Da li su i šta u okviru svojih nadležnosti i obaveza Predsjedništvo, Vijeće ministara i drugi organi poduzeli da se ponašanje u entitetima ili u dijelovima entiteta uskladi sa ovom oredbom Ustava o suverenitetu i teritorijalnom integritetom?

Salih Kulenović je postavio pitanje koje se odnosi na rad Komisije za imovinska prava: Dokle je stigla sa radom i kojim poteškoćama se susreće?

Šta je to što joj Dom naroda, Vijeće ministara odnosno Parlament Bosne i Hercegovine, može i treba da pomogne kako bi njen rad bio efikasan i kako bi već jednom otpočeo proces povratka izbjeglih i raseljenih na njihova ognjišta i njihove imetke?

Sjednica je završila sa radom u 16 sati.

Magnetofonski snimak sjednice čini sastavni dio zapisnika.

**PREDSJEDAVAJUĆI  
DOMA NARODA  
PARLAMENTARNE SKUPŠTINE BiH  
Avdo Čampara**